

ARUWANUWEN MWIICHENAP, ARUWAN MWIICH ATAPWANAPWAN

A SUUK ME FIS WON MOEN IS. TRUK STATE F.S.M. NON SARINFAN

ENGON ME RUWANUWEN DECEMBER ENGOROU TIWEPUKU WANIK ME EW NAMOPUNG NO. 1-186

EW NAMOPUNG

A awora ukukun \$28,098.84 seni ewe Monienapen ewe Legislature-un Chuuk ren fan asengessin monien angangen me mwokutukutun ewe Truk Commission won Youth non ekkewe unungat nussun quarters non Fiscal Year 1982, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$28,098.84, ika fite ukukun epwe namot ren an epwe tongeni naaf, seni ewe Monienapen ewe Legislature-un Chuuk ren fan asengessin monien angangen me mwokutukutun ewe Truk Commission on Youth non ekkewe unungat nussun quarters non Fiscal Year 1982, epwe iei usun

inetin:

A. Niwinin Chon Angang:

1. Executive Director	PL 23/2	\$ 5,915.52
2. Youth Dropout Counselor	PL 19/2	4,438.08
3. Youth Outreach	PL 15/2	3,442.92
4. Youth Coordinator	PL 19/2	4,438.08
5. Secretary	PL 10/2	<u>2,455.44</u>
		\$20,690.04
	Social Security	<u>413.80</u>
	Kapachan	\$21,103.84

B. Program me Activities:

1. Summer Fun Program	\$2,000.00
2. Workshop ren fan iten club boy me girl scout leaders	<u>1,000.00</u>
Kapachan	\$ 3,000.00

C. Sai:

1. Youth Conference	\$ 1,200.00
2. Outreach (Outer Islands)	<u>500.00</u>
Kapachan	\$ 1,700.00

D. Program Equipment:

1. Boat	\$ 1,200.00
2. 2 akis watte	30.00
3. 2 akis kukkun	15.00
4. 10 machette	<u>50.00</u>
Kapachan	\$ 1,295.00

E. Pisekin Ofes me Equipment:

1. Office Supplies	\$ 500.00
2. Printing and Reproduction	<u>500.00</u>
Kapachan	\$ 1,000.00
Kapachanapan	\$28,098.84

Tetten 2. Ei ukukun moni mei kawor non Tetten 1 epwe einet ika no-ngeni ewe Kepina, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti met mei affat me non Tetten 1 ren popun nounoun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.


Tetten 3. Ewe Kepina epwe awora an repot won napanapen nounoun ei moni ngeni ewe Legislature me mwen April 15, 1982, epwe affatatiw:


(1) unusen porausen nounoun ewe moni fongon me ukukun nussun mei chiwen wor non April 1, 1982;

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ewe ukukun nussun ewe Fiscal Year, nge och sopusopun repot epwe pwan kawor nefinen 20 ran me murin soponon ewe Fiscal Year, ngeni ewe Legislature ika ew committee mei finita, epwe affatatiw nounoun ewe nussun moni; pwan

(3) awora anapanapen ukukun moni epwe pwan kawor ren fan asengessin ewe Commission non Fiscal Year 1983.

Tetten 4. Ei Namopung epwe poputa pochokunan non January 1, 1982,
ika a kapunguno me ren ewe Kepina, ika pusin winiti annuk, nge esemwo
kapunguno.

Sain seni: 
Tadashi C. Wainit, Speaker
Truk Legislature

Annetata: 
Datasi Albert
Legislative Clerk/Secretary
Truk Legislature

Pwinin maram: December 21, 1981

Kapunguno seni: 
Erhart Aten, Governor
Truk State Government

Pwinin maram: December 21, 1981